



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola XLV. Ioannis Papae VIII. Ad Aionem Episcopvm Beneventanvm.
Laudat eius promptum ad ecclesiae defensionem studium: tum hortatur vt
contra Sarraconos opem ferat, & foedus cum illis ictum ...

urn:nbn:de:hbz:466:1-15967

finibus. hoc est quod exigimus, hoc est quod ante speciali voto depositimus. Quæ vero de mittendis quibusque literis nostris suggerere voluisti, votis tuis (prout temporis qualitas, & causarum dispensatio concepsit) gratauerit annuimus ; & non solum hoc, sed & quæ possumus, tanto circa sanctimoniam tuam exhibere libentius volumus, quanto hanc præteritis illis in partibus constitutam alacrius & instantius quæ nostra sunt exequi contemplamur. Epistolæ autem ipsæ quibus missæ sint, superscriptio earum monstrabit, quas ipse procul dubio ad eos, quibus directæ sunt, facies asportari. Esto itaque fisis in nobis, & viriliter age, &c. Psal. 26.

confortetur cor tuum, & sustine Dominum, & accinge sicut vir humeros tuos, & accelera, ut dilectionem tuam superius commonuimus. Optamus sanctitatem tuam, &c.

Data vi. Kalendas Aprilis, indictione decima.

E P I S T O L A X L V.

I O A N N I S P A P Æ V I I I .

AD A I O N E M E P I S C O P V M B E N E V E N T A N V M .

Laudat eius promptum ad ecclesiæ defensionem studium: tum hortatur ut contra Sarracenos opem ferat, & fœdus cum illis iustum dissoluendum curet.

Ioannes episcopus Aioni episcopo Beneventano.

P E R SPECTIS apicibus sanctitatis tuæ, quantum in te diuini amoris ardor efferueat, luce clarius recognovimus ; & quantum erga sanctam Romanam ecclesiam deuotus existas nihilo minus aduertentes, pro tanta tibi benignitate multiplices gratias agimus, & sanctimoniam tuam ad nostri profectum certaminis dignis pollere successibus ab omnipotentis clementia postulamus. Vere enim frater carissime laudibus es extollendus, qui tribulationes nostras, quas pro populo nobis commisso patimur, quasi præsentes intuens, nobiscum gemens & dolens, ad has auferendas prouidum commilitonem & cooperatorem nostrum non indebit te velle esse in omnibus asseueras. Nec aliud itaque de tua sanctitate credimus, nec aliud suspicamur, nisi ut quamvis corpore absens sis, spiritu a nostris singultibus nunquam desis ; & quam dolendum sit,

H iii

quod fideles cum infidelibus tam perniciose iunguntur, liquidius & ipse perpendas; huius rei gratia, quia multis studere loquelis, ne magis multiplicare verba, quam gemitus videamur, non expedit; præcipue quia tua fraternitas ipsos inuisibiles moerores nostros, sicut in literis tuis conspiciimus; non ignorat per illum, quite fæcilius suum constituit, tuam reuerentiam adiuramus, suadentesque modis omnibus deprecamur, & auctoritate principum apostolorum, fraternali fæctu amore præcipimus, vt omnibus viribus tuis, omniisque posse tuo labores, tam scilicet cum germano fratre, quam cum aliis Christicolis in hoc opem ferre valentibus, vt impia Agarenorum foedera, quæ Neapolitani, vel stii confocii cum inimicis Christi nominis inierant, Christo miserante quantocius destruantur; & pax atque concordia fidelium per eumdem Christum Dominum reformatum: quatenus corpus sanctæ Dei ecclesiæ, pro qua sanguis fusus est Christi, in suis membris non laceatur, & quæ sit vera religio, atque perfecta caritas agnoscat: quia licet vos, vel omnis forte mundus mala quæ imminent lugeat; nos tamen tantum præ omnibus affligimur, ac dolemus, quantum præ omnibus solitudinem, atque curam regendarum Christi ouium nos suscepisse perpendimus. Ideoque quia plus omnibus laboramus, vt per vos labor noster usque ad effectum proficiat, specialiter deprecamur. Inter haec autem carissimum fratrem quæsumus exhortare, vt epistolam nostram ad primum Græcorum illuc venientium cito transmittat, & suis eum depreciationibus moneat, vt omni amota occasione, vel decem dromones in adiutorium nostrum statim dirigere nunquam omittat: quia nos, cooperante gratia Christi, tam cum carissimo filio nostro Lamberto glorioso duce, qui nobis in omnibus hæret, quam cum aliis Dominum timentibus desudabimus, vt & impium foedus cum Agarenis habitum dissoluatur, & libertas, vel aliquanta securitas Christiani populi renascatur. Postremo, quia, sicut diximus, plus omnibus necessario laboramus, nullum laborem, nullamque tolerabilem molestiam corporis recusabimus, quo minus adiuuante Domino pro tantis necessitatibus pro vobis cum præueniente Christo laborem nostrum viriliter infistamus: forsitan omnipotens Deus, adhibitis tuis labori-

bus, tantorum pereuntium miserebitur, & dolores nostros auferens, foedera cum iniquis Paganis a vestratibus facta dissoluet: ubi rogamus cunctis conatibus fudes, qui tanto de profectu tui certaminis latari speramus, quanto te in hoc opere cooperatorem nostrum habere confidimus. Interim magnopere postulamus, ut quidquid siue de dromonibus dirigendis, siue de impiis peccatis soluendis per tuam solertiam, vel per fratris tui obedientiam effectui fuerit datum, citissime nobis sancta tua fraternitas scriptis significare procuret. Data xv. Kalendas Maii, in dictione decima.

E P I S T O L A XLVI.

IOANNIS PAPÆ VIII.

AD GREGORIVM IMPERIALEM PÆDAGO GVM.

Gratulatur imperatorem contra Saracenos classem ad ecclesiæ defensionem mississe; eumque ducem constituisse: tum monet, ut decem^{*} achelandia ad litora a piratis Saracenis expurganda mittat.

Ioannes episcopus Gregorio imperiali paedagogo.

* al. che-
landia,
qua e na-
vibus mi-
litarium
genero
fuit.

GLORIAM tuam hac apostolatus nostri epistola missa primitus exhortamur, ut diuinitus datas sanitates desiderabilis filii nostri Basilii tranquillissimi imperatoris nobis significes. Cupimus enim valde salutem eius animæ simul & corporis semper audire, tamquam piissimi propugnatoris orthodoxæ fidei. Gratulati autem sumus audientes gloriam tuam directam cum Deo conseruandis exercitibus a predicto diuinitus protegendo imperatore, in partes Beneuentanorum venisse, tam quia, gratias Deo, ipsius diuinitus proiectum imperium in defensionem Christianitatis pio zelo succensum, classes & militarem validam manum contra inimicos crucis Christi mittere procurauit; quam quod te praeceteris ad tantum opus cum Dei auxilio peragendum elegit, quem audiuius in omnibus strenuum, & Dei cultorem industrium. De cetero credimus scire iam magnificentiam tuam, qualiter quædam latrunculorum Agarenorum sagenæ occultis irruptionibus litora nostra deuastent: & quia palam ausum non habent, fur-